



LEARNERS
BY LIBRARY
COVERAGES

905146 ^{kat.komp.}


Mag. St. Dr.

II

1893. I. 22.

Munt

Febl. pol. 8650



MONITA
PRIVATA

Societatis Iesu.

edita.

M. DC. LVII.

905146

三

I. *Qualem se Societas prestare debet, cum de novo incipit
Loci alicujus foundationem?*



Vt se gratam & acceptam præbeat incolis loci, quem non ita pridem suscepit, multum ad hoc conducet explicatio finis societatis præscriptus in Reg. 2. Summarii, incumbere in salutem proximi æquè ac suam. Quare humilia obsequia obeunda in Xenodochiis, & jacentes invifendi, ad Confessiones excipiendas quorumcumque, & ad loca distantia eundum, eleëmofynæ conquirendæ, dandæq; pauperibus, aliis videntibus, ut ædificati facti nostrorum, sint in nos liberaliores. Modestiam exteriorem ita omnes ediscant, ut illa alios ædificent: delinquentes è nostris vel ob id dimittantur.

II. *Quid facto opus est, ut Principum & Magnatum intimâ
familiaritate potiamur?*

Conatus ad id maximi sunt adhibendi; Experientia docuit Principes tunc affici Spiritualibus & Ecclesiasticis personis quando odiosa facta eorū non apertè reprehenduntur; sed in meliorem partem explicantur. Cernitur id in matrimoniis contrahendis Principum cum sibi affinibus. Quæ matrimonia magnam habent difficultatem, ob vulgi opinionem, quod tales execratur thoros. Itaque cum hæc & talia affectant Principes, animandi sunt, affecuturos eos quod volunt: explicentur rationes, quæ illorum desiderium augeant, videlicet matrimoniū hoc fore causam majoris vinculi, & gloriæ Dei. Sic dum Princeps aggreditur aliquid faciendum, non æquè omnibus dynastis gratum; videlicet si bellum movere vult, tunc ejus voluntas juvanda, & constantiæ monendus promovendusq; animus; Primoribus regni insinuent, per suadeantque, Principis voluntati parendum esse; non tamen ad Particularia descendant, ne nobis imputetur; si tamen objiciatur
citentur

citentur generalia monita, id nobis prohibentia. Juvabit ad contrahendam familiaritatem principum, obire legationes, in materiis ipsis gratis. Per munuscula vincendi intimi principum, ut fideliter instruant nostros de moribus & humoribus principis, quibus rebus delectetur, quis sit sibi modus placendi, (Salvo tamen Jure Virtutis & Conscientiæ) & occasione habitâ insinuent se in animos Magnatum & Principum. Si careant uxoribus, proponantur illis virgines in matrimonium, quæ cum suis parentibus nostris sunt addictæ, iisque virgines depingantur laudum coloribus, quibus eas depingi vellent ipsimet Principes. Sic enim fiet, ut per uxores, alias alienos nobis, amicos reddamus: docuit id experientia per domum Austriacam in regnis Polonia, Gallia, cæterisque ducatibus & ditionibus. Feminae ne mutant animos, aut de suo favore in nos remittant; serio illis inculcetur amor in nostram Societatem, tum per nostros, tum per eas famulas, quæ nobis sint addictæ, quæ variis officiis & munusculis in amicitia conserventur: Sic enim secretiora suæ dominæ, & ea quæ nostros scire oportebit, evulgabant. Sequuntur in Conscientiis Magnatum regendis eorum Auctorum sententias, quæ liberiorem faciunt conscientiam, contra Monachorum opiniones, ut illis reiectis, nostras sequantur, & à nostra directione & consiliis dependant. Quare tam ad Principes & Magnates, quam Prælatos conciliandos juvabit, eos facere participes meritorum nostri ordinis, habere amplas facultates absolvendi à peccatis reservatis, & censuris dispensandi in Jeuniis, debito reddendo, matrimonii impedimentis, & aliis votis: Invitentur ad scholas nostras, salutentur carminibus, inscribantur illis theses. Si expedit in triclinio tractentur, & si qualitas personæ exposcat, variis linguis salutentur tempore mensæ à nostris fratribus, inimicitias inter Magnates componant. Quod si monarchæ nobis addicto subserviat vir aliquis primarius, à nobis alienus, promittatur ei favor, & honores conferendi, ad nostrorum instantiam. Denique ita Societati current affectose esse Principes, & magnos dominos, tum prælatos, ut pro eâ contra affines & sibi charos agant, nec demissos à Societate ullo modo promoveant. Deferendos honores primatibus ominentur, delatos gratulentur libellis carminum per studiosos, in primo ingressu loci, ubi exercenda erit Jurisdictio.

*III. Quid curabunt Domini pro nobis, dum pecunia destituuntur, multae
tamen sunt auctoritatis in Republica, & aliis modis nobis
prodesse possunt?*

Tales Domini, si saeculares sint, curanda apud ipsos gratia & auxiliū, contra adversarios nostros, favor ad lites forenses, auctoritas & prudentia coemptionis pagorū, domorū, hortorū, arearumq; pro exstruendis societati nostrae domiciliis, in illis praesertim civitatib⁹, quae nostros nolunt habere. Fideles Domini conciliandi, ut mitigent, imò compescant furorē hominū notae inferioris, nobis nihil cooperantib⁹. A spiritualib⁹ verò, ut Episcopis, Archiepiscopis, pro diversitate nationū id exigendū, quod rei opportunitas ostendet. In quibusdā partibus curandum est, ut praelati & Parochi ipsius subditi nostros revereantur, nec impediant ministeria nostra: in aliis partib⁹ plus. Nam in Germaniā, Poloniā, magna est auctoritas Episcoporū, qui parvo labore, collatā re cū principe, Monasteria, Parochias, Praepositoras, aliasq; fundaciones &c. nobis possunt attribūere, contentatione quacunq; facata sacertotibus secularibus, quod in iis locis assequi possumus, ubi catholicis haeretici & schismatici sunt permixti, ostendaturq; Episcopis, magnum fructum ex hāc ratione facturos, quē a secularibus Sacerdotibus & Monachis praeter tantū expectare non possint. Laudetur Zelus eorū, inculcetur facti memoria perpetua. Tales autē fundaciones, ut Societas succedat in beneficiis seculariū sacertotū, pereos Episcopos assequantur facile, qui & feculentur nostris, & a directione nostra pendunt, & sunt in expectatione ad altiores grad⁹ Episcopatus opulentioris, in meditanti⁹ nostris. Tām autē apud Episcopos, quā Principes curent nostri, ut, tū fundant nostra Collegia, ad Parochiales Ecclesias, nostri quoq; soli sint, qui habeant jus conferendi vicariū perpetuū, cū cura animarum; ipse superior loci pro tempore existens, erit Parochius, totumq; regimen Ecclesiae nostrorū sit per eosdē. Curabunt exstruendones Collegiorū in locis ubi sunt, Academici nostris repugnantes, vel Catholici, aut haeretici Cives, fundaciones nobis in suis civitatibus, prohibentes. Illi iidem curabunt pro nobis, cathedras concionatorias, in civitatū nobiliū Ecclesiis praecipuis. Si quando agitur de beatificando aut canonizando nostro, Magnatū literis promovendū erit negotium, apud sedē Apostolicā. Si ex iisdē Dominis cōtingat legationē obire, ne cognitis aliis religiosis, qui nobis cū symbolizant, ad eos affectū transferant, & in provincias inducant, in quib⁹

ema-

emanemus: Quare si transeant viri illustres per provincias, ubi sunt nostri, excipiantur ad Collegia, & pro modestia religiosa tractentur.

*IV. Quae commendata esse debent Concionatoribus & Confessariis
Principum & Magnatum?*

UT directiones Regum, Principum, Virorumq; Illustrum, recte per nos instituantur, omnimodo ita eos dirigant, ut sua directio tendere videatur ad conscientiam, quam ipsi Principes concedunt: non statim autem, sed sensim spectare debet directio ad gubernationem politicam externam. Quare saepe inculcent Principibus, distributionem bonorum & dignitatum in Rep. spectare debet directio ad gubernationem offendit, si contra eam a Principibus peccetur: se tamen nolle ingerere in ullam administrationem Reipublicae; & haec se invitos dicere, ratione sui officii. Quod ubi apprehenderint Principes, explicetur ipsis, quibus Virtutibus praediti esse debeant assumendi ad dignitates Reipublicae commendationis capita sumantur, ex amicis societatis nostrae, & iis Viris, quos expedit pro bono societatis promovere, quos per se non nominent Principes, sed per intimos amicos societatis nostrae & Principibus. Quare confessionarii & concionatores informantur a nostris, qui in quavis parte illius Domini sunt viri, qua virtute, potentia, divitiis, liberalitate in nos, horum nomina apud se habeant, notitiamq; eorum faciant principi, dextrae eos commendando, ut facilius oblata occasione promoveantur a Principibus illi, quos olim sibi laudari a suis confessionariis & concionatoribus audierant. Meminerint Confessionarii & Concionatores Principum graviter eos tractare, nulla ratione perstringere in concionibus, aut privatis colloquiis: Confessiones, aquas distillatas modice acceptent, quod usu privato, parva pecunia sint contenti. Dum sunt in palatiis, ad abjectiora se cubacula discedant a consilio spiritualium patrum. Curent sibi significari quam primum officialium Reipublicae mortem, & de substituendis mature cogitent, agantq; ut se suspicione eximant extendi regiminis nec amicorum causas apud Principes promoveant per se, sed aliis potius committant.

V. Quid agendum, cum religiosi, qui symbolizando nobiscum, in multis occupationibus multum nobis detrahunt?

Genus humanum animose nobis ferendum. Proinde inculcandum hominibus, nostrum ordinem omnium religionum habere perfectionem, & in quo aliae religiones excellunt, in eo eminentiore modo societatem lucere in Ecclesia Dei, praeter cautum, & victus aspe-

asperitatem, quibus discrepamus à Monachis: omnia in societate melius haberi, ipsa etiam subiecta. Notentur defectus, ex quibus ostendatur, minus feliciter alios religiosos satisfacere posse illi occupationi, in quâ concurrunt nobiscum. Majorè Conatu eundem est, contra illos religiosos, qui Scholas erudiendæ Juventutis instituere vellent in locis, ubi id cum dignitate & fructu societas nostra obiit: Ostendatur principibus, tales homines fore perturbationi Reip. proponatur Academicos externos illos religiosos magis, quàm nos ipsos in ruinam; suggerant Principibus sufficere societatem erudiendæ Juventuti. Quod si literas pontificum pro se habeant, aut Cardinalium Commendationes, agant per principes apud Pontificem, cui ostendatur, societatem benè fungi suo munere; procurabunt testimonia à civitatibus, in quibus sua Collegia habent, bonæ suæ conversationis. His etiam diligenter persuadendum erit, timendas perturbaciones accessu diversarum scholarum & præceptorum, etsi religiosi sint: Interim nostri pro viribus curent, studia exerceri, & specimina edi, cum applausu aliorum.

VI. De conciliandis viduis opulentis Societati.

Delignantur ad hoc opus provectæ ætatis patres, colore vivido, visitentur crebrò eadem à nostris. Quæ affectum ostenderit in societatem, vicissim societatis nostræ opera ei offerantur, si acceptat, cœperitque frequentare nostras Ecclesias, detur ei talis confessarius, qui eam benè dirigat, & constantem in viduitate servanda faciat, enumerando bona viduitatis, quibus meritum fit obtentura. Ut res tota melius illi cedat, comitatus famulorum diminuendus suadeatur, ordinentur officiales Aulæ, & præfecti bonorum præscribantur, quæ spectant ad gubernationem domus, habita ratione loci & personæ. Inprimis autem efficiat confessarius, ut ejus consiliis acquiescat vidua & directionem sequatur, tanquàm fundamentum futuri boni spiritualis. Proponatur usus Sacramentorum frequens, auditus sacri, recitatio litaniarum, Exhortationes sint bis vel ter in hebdomatam, de bono viduitatis, de molestiis matrimonii iterati, periculis novisque gravaminibus ejusdem. Facetè proponat Viros Nobiles, quorum illa vidua, cum qua agitur, non abnueret connubium; iidemque viri ita descri-

describantur, declarando mores & vitia ipsorum, ut audiendo vidua nec cogitationem assumat de matrimonio. Proinde cum sint ita affecta erga viduitatis statum, quam primum eis commendentur vota religiosa, ut emisso voto castitatis, omnem sibi adiuturum praeludant ad secundas nuptias; quo tempore maximè savendum ut ex aula abigantur juvenes liberiores in jocis, pauci admittantur hospites, in iisque tractandis mediocritas. Praefecti pagorum, Sacellani, alique officiales tales sint, qui aut ex nostrorum commendatione habeantur, aut à nostrorum nutu dependant. Huc ubi progressum fuerit, paulatim ad bona opera inducenda erit vidua; quæ tamen præstabit ex directione patris sui spiritualis.

VII. Quis modus conservandi viduas in viduitate: & dispositione reddituum, quos habent.

SI præter communem affectum testetur vidua clenodiis aut pecuniæ non modica summâ suam in societatem liberalitatem fiat particeps meritorum societatis nostræ. Si emisit votum castitatis renovet illud more nostro bis in annum, exponatur ordo nostræ societatis domesticus, qui si placuerit, præscribatur pro Aula, indicantur confessiones menstruæ, dum pro festis Christi, dominæ B.V. & Apostolorum, constituantur syndici inter mares & feminas, qui defectus notent inter aulicos & famulos, referantque magnificè, interdicanter nutus, susurri, clandestina colloquia: delinquentes severè castigentur: Sin in aula honestæ puellæ, quæ varia ornamenta conficiendo pro templis, se in pietate exerceant, super se habeant manu ductricem, quæ laborantibus attendat, & mores edoceat. Visitentur viduæ crebro & jucundis colloquiis, Spiritualibus tamen, conserventur & foveantur. Non tractetur rigidè cum ipsis in confessionibus; nisi tunc, cum minor est spes aliquid ab eis accipiendi. Proderit quoque ad conservandas viduas, si pleraque fiant in gratiam viduarum; ut ingressus in aedes nostras, colloquia, quando & cum quibus placet, è nostris Non permittantur frigoribus domo exire, aut ubi se deterius habere sentiunt. Nuptiæ filiarum exornentur carminibus studiosorum externorum: si exequiæ peragenda sunt, ornatus, licet lugubris,

bris, splendidus tamen adhibeatur. Carasalei non vulgari structura. Demum quicquid fieri potest, ad viduarum sensualitatem (modo sint liberales & addictæ societati intimè) fiat, caute tamen, & secluso scandalo; agendo de dispositione reddituum, quos habent viduæ, proponatur illis illa perfectio laudata S.S. quando neglectis amicis sua bona in Christi pauperes erogant. Adducantur exempla viduarum, quæ hac ratione brevi in sanctas evaserunt. Quare dum se viduæ in nostras manus resignant, paratæ sequi directionem patris spiritualis, serio inculcetur, ut majoris meriti sint illarum actiones coram Deo: Ne religiosis quidem personis dent Eleemosynas, in scio confessario, sed ad notatis illis, quæ se daturas alicui decreverunt, schedulam exhibeant confessario, qui detrahere aut addere potest, pro ut videtur. Caveant confessarii frequentem aditum aliorum religiosorum ad viduas, ne post se foeminas naturâ inconstantes abducant. Dum multa est pecunia & bonis collecta, ne hinc moveantur viduæ ad secundas nuptias, proponant confessarii, imò persvadeant ordinarias pensiones, quibus sublevent necessitatem singulis annis nostrorum collegiorum, & domorum professorum, præcipuè domus professorum Romanæ. Eandem pecuniam impendere possunt in casulas & paramenta templi, quæ pro nostris sacris adibus servire possunt. Post mortem viduæ exponantur defectus Ecclesiarum nostrarum coram viduis, structuræ imperfectæ collegij, inducantur adsumptus faciendos pro rebus perpetuam ipsis gloriam conciliaturis, ut sunt templa, cibaria, ædificia quæ consulto citius perficiantur, ut habeant in quod suam liberalitatē possint exercere. Id ipsum faciendum cum benefactoribus, & Principibus, qui nobis aliquid sumptuose exstruunt. Si clenodia sint, suadeatur æternitati ea conservanda; Si dentur à viduis ad se pulchra nostrorum beatorum Romanorum, comprobetur id exemplis aliarum matronarum, quæ id præstiterunt. His de causis ostendatur, illas summam perfectionem assecutas, dum terrenarum rerum amore se exuendo, earum Christum Dominum in servis societatis suæ possessorem instituerint. Quod si filios & filias DEI obsequio dicare voluerint, non est liberalitas earum spernenda, accipiendo, quæ offerentur: parcius tamen ab iis viduis accipiendum, qui filios & filias ad seculum dirigunt.

VIII. De remediis, ut filii & filiae nostrarum devotarum religionis amplectantur statum.

SUaviter & fortiter id matri viduæ peragendum. Filiabus molestæ sit virginitatis, minis, abstinentiis, asperius tractando, denegando ornamentum muliebri exquisitum, polliendo majorem dotem, si velit esse monialis, exaggeret futuri mariti furores, gravamina matrimonii, præ se ferat mater ipsa dolorem, se non fuisse monialem. Demum ita agat contra filias, ut tædio vitæ manendi apud matrem, aspirent ad Monasterium. Cum filiis versentur nostri familiariter, accipiantur ad Collegia, in quibus illæ ostendantur ipsis, quæ moveant ad ingrediendam nostram societatem, ut sunt horti vicini collegiis, in quibus fiunt recreationes: in refectoriis ostendantur mundities, & exterior conversatio inter nostros, munuscula, faceta colloquia ad spiritum tamen, non omittantur. Sint penes tales viduarum filiorum instructores nobis amicissimi, inde futuri de nostris: subtrahat mater filiis necessaria ad tempus modicum, exponat intricata negotia ex parte bonorum. Si ad alias provincias iverint studiorum causa, ita illos mater non delicate tractet pecuniâ, ut tædio victi in exteris nationibus, religionem ingredi serio meditentur.

IX. De rebus collegiorum augendis.

Serio inculcetur confessariis principum, Magnatum & Matronarum, ut tum spiritualia illis conferunt, temporalia pro bono communi societatis ab iisdem recipiant. Quocirca non amittant occasiones acceptandi, cum aliquid offertur, & si differatur, in memoriam revocent, nimium affectum minimè præ se ferendo. Qui ex confessariis minus industrii in hac re erunt, tanquam bono communi minus affecti amoveantur à Principibus, domique exagitantur. Magno dolore audivimus, Juvenes viduas morte naturæ præventas, culpâ nostrorum suppellestem templis multam pretiosam nostris non legasse, neque acceptasse, dum superstites viduæ offerent, cum ad talia acquirenda, non tempus, sed voluntas offerentis spectari debeat. Adeant civium domos, aulas nobilium, nec non viduarum, ex quibus omnibus perquirant prudenter, num pro animæ suæ bono, vel ipsi, vel eorum amici aut affines Ecclesiis aliquid sint legaturi: idem perquirendum in parochis & prælatis, qui inducantur ad officia spiritualia facienda,

quo tempore multa nostri possunt lucrari: apud hos omnes aut deant captare benevolentiam, explicando gratitudinem societatis, & fidelem executionem ratione locorum, quæ accipiunt à benefactoribus, secus quam alii seculares sacerdotes & monachi: Habeant notitiam hortorum, lapidearum, prædiorum, vinearum, civitatum, in quibus resident; pagorum, à quibus possessio-ribus, quibus contractibus, quibus cum gravaminibus teneantur, & num illa bona vel per contractus, vel per receptionem filiorum in societatem, aut donationem habere possint, experiantur. Devotis & devotibus Societatis nostræ quandoque bona sua collegia vendant cum pace, quod post breve tempus, societas gratis eadem sit ab ipsis receptura. Si viduas addictas contingat habere tantum filias, eas dirigant ad religionem monialium, dote quacunque iis datâ: Cætera, uti pagos, clenodia, totamque possessionem nostri facile lucubrantur. Si autem tantum unum filium, aut plures, vidua nostræ societati amica habuerit, nullaque sit spes filios aut filium fore in societate, indicetur matri, sufficere, si integras possessiones filiis vel filio relinquat: at collectæ pecuniæ summam & suam propriam dotem posse legare societati. Accidit viduas esse uniûs aut alterius pagi, ad pietatem propensissimas, societatis studiosissimas: hæ inducantur ad inscribenda bona nostris collegiis, ipsæ interim contentæ sint annuam suscipere contentationem, ut Deo commodius vacent, curâ rerum temporalium liberæ.

X. De disciplinæ rigore ostendenda in societate.

TEstabimur disciplinæ rigorem, ejiciendo à nobis, quando-
cunq; videtur societati, si cujuscunq; conditionis & status ju-
venes consumperint ætatem & vires, morbo calenti, & alio quo-
cunq; postquam ingressi sunt societatem, affecti fuerint. Causæ,
præter Casus reservatos, ob quos excepta licita erit dimissio, hæ
erunt: Si devotas nostras & amicos societati utiles, ad alias re-
ligiones dirigunt, aut parentibus indicant, sive illis à quibus im-
pediuntur, ne ingrediantur societatem. Si in resignatione bono-
rum erga Consanguineos affectum ostendant, non dando totum
societati: Prius tamen tales per aliquot annos in societate mor-
tificentur. Fratres in officiis vilibus ponantur, detineantur in
Scholis inferioribus, ut ibi doceant; altiora studia, præcipue
quartus

quartus theologiæ annus, non concedatur: Capitula frequentia tempore mensæ dentur. Patres prohibeantur à confessionib9 excipiendis, arceantur à conversatione externorù, accipiantur res charæ ex cubiculis, frequentes pœnitentiæ publicæ assignentur. Hinc erit facilè ad dimissionem progredi. Si tales promissiones notatæ in supra dictis vitiis conquerantur coram Provincialibus, non credatur facilè, excusetur factum. Dicatur teneri eos obedire superiori, ubicunque non est peccatum. Non sint scrupulosi in dimissione superiores: cum enim ordo noster gaudeat nomine societatis & sociorum, non mirum societati annexam esse dimissionem: Nam societatis & sociorum vincula facilius solvuntur, neque sunt perpetua. Dimissio cœpit cum instituto Societatis: id evidenter ex eo patet, quia societas habet vota simplicia pro scholasticis coadiutoribusq; formata, quæ vota non habent mutuum contractum, ac si societas habeat obligationem, personas cum talibus votis in societate retinendi semper; id enim nequaquam est: tantum enim obligatio cadit in voventem, non in societatem, quæ potest cum talibus votis quoscunque dimittere; quando quacunque de causa sibi videbitur. Licet autem in societate alii faciant professionem quatuor votorum, alii trium votorum solennium, more aliorum monachorum, tamè & tales à societate dimitti possunt.

XI. Qualiter se unanimiter præstabunt nostri, contra dimissos.

Quoniam tales multum obesse possunt Societati, proinde obviatur his modis. Antequam è societate dimittantur, præmittat ejus rei testimonium dimisso ad eos spirituales & seculares Dominos, quorù ipse occupare posset gratiam, ibiq; habere locū. Dicantur malæ ejus inclinationes, vitia, defectus, quos de se, in manifestatione conscientie aliquando superioribus aperuerat, & juxta quam in societate dirigebatur, cedendo in hoc jure suo. Quod si erunt Domini nostris addicti, & cum exaggeratione causæ dimissionis proponantur, de dimisso in exhortationibus dicatur, quod iterum ardentè petat ingredi societatem, & æternæ infuentur causæ dimissionis illæ ob quas vulgus nos odio habet: Sic enim plausibilior erit dimissio quorumcumq; Si dimissus habeat creditū contra nos dicendo, obviatur huic rei per nostros graves viros, qui edictis dimissi opponant, aut bonitatē societatis, famā,

fructum, quem facit in Ecclesia Dei, bonam existimationem vitæ & doctrinæ, ob quæ regibus, Principibus, & Magnatibus sunt à confessionibus, concionibusque, explicent Zelum nostrum in proximos, multo magis in unumquemque hominem societatis suæ. Invitentur ad prandia illi, apud quos dimissus videtur habere partes, quibus persuadendum est, ne faveant dimisso, & teneri eos præsumere de religione, quo tempore causas dimissionis exponant, omne meis probabilitatem ostendendo, & defectus dimissi omnes enucleatè exponendo, nihil omittendo, etsi dubia aliqua sint. Caveant dimissos promovere ad ulla beneficia Ecclesiastica, nisi aut dederint non modicam pecuniam, aut sua bona inscripserint, aut singulari modo testati fuerint, se esse amicos Societatis. Id etiam Principi & Regi persuadeant confessarii aut collaturi alicui honores: argumentum accipiant ejus bonitatis ex liberalitate, & bono affectu ejus in societatem nostram, fundando ei collegium, aut simile beneficium ei præstando. Si contingat dimissos habere favores hominū, diligenter inquiratur in vitam eorum, & mores & defectus, qui per amicos & devotas nostras ordinis inferioris divulgentur. Ipsæ ne dimissis faveant, & apud se conservent dimissos, terreantur censuris, negetur absolutio, si sint pertinaces. Laudes dimissi extenuentur argutis propositionibus, ambiguisque, ita tamen, ut possint avertere, animos hominum dimisso, & ejus fidem minuire, successus mali, qui accidunt dimissis, evulgentur cum magnâ commiseratione, ut reliqui terreantur, & vel inviti maneant in Societate.

XII. De delectu juvenum pro societate, modoque eos retinendi.

Summâ arte & industriâ opus est, ut recipiantur juvenes ingenii boni, formâ non contemnendâ, genere nobiles & opulenti. Ut tales pertrahantur, ostendatur illis favor à Scholarum præfatis, non permittantur vexari à præceptoribus, laudenter crebrius, dentur ipsis munera, accipiantur ad vineam, traçantur fructibus, in solennitatibus accipi possunt ad refectorium. Cum aliis descendendum ad virgas, objicienda crimina ex aliquibus conjecturis, iratus vultus ostendendus, acrius compellendi & reprehendendi. Juvenilis ætas ad omnia mala quod sit in illis proclivis ostendatur, nisi religiosi fiant, damnatione æternâ terrendi. Dum

in societatem admitti petunt, non statim admittantur, differantur ad tempus, interim foveantur, in colloquiis commendetur illis suava institutum: Ita enim magno desiderio crescente, alacrius instabunt admitti, etsi voluerit postea exiri aliquis ex talibus, revocetur illi ardens studium, quo ingressum in societatem urgebat. Quoniam vero maxima est difficultas in alliciendis senatorum filiis, & hominum ditiorum in patria. Si tales sint, mittantur Romam ad novitium; Prius tamen pramoneatur de ipsis generalis aut Provincialis Romanus. Quod si in Germaniam, Galliam, Italiam venerint, & societatem adfectaverint, sine scrupulo suscipiantur, in illis Dominiis, in quibus monarcha civitatis est addictus. Sub tali enim Domino hæc & similia erunt peragenda, siquidem illius subditi, cum nostro favore indigeant, non facile contra nos insurgent, & si insurgant, nihil lucubrantur. Non omittantur occasiones inducendi filios eorum, qui studiorum causa ad nostra Gymnasia ex aliis Provinciis veniunt, maxime tunc cum incipiunt pecuniam amittere, & partim pudore amissæ pecuniæ, partim metu parentum aut affinium, ob molestias, quæstiment, induci se sinunt: Res habuit bonum successum in Germanis & Polonis. Inconstantia occurrentum pro qualitate personæ ex hortationibus & malo successu dimissorum, bonoque vocationis. Ut vero parentes & affines ingredientium ad nos sint contenti, ostendatur excellentia instituti nostri, & tantus applausus mundi, & honor, qui deferitur à principibus societati. Insinuent se in intimam familiaritatem ipsorum, reddantque eos contentos, si id personæ dignitas & necessitas postulabit.

XIII. De Monialibus.

CAveant offendere moniales nostri confessarii, cum tantæ sint benefactrices, ut aliqua foundationem juerint collegiorum, plurimæ mediam dotem dederint, annuente monasterio & Abbatissâ. Quare ob clausuram non eas molestent, relinquunt Episcopis: conservent potius favorem monialium, ne contra nos agant ob dimidiatas dotes, easque exprobrent nostris datas.

XIV. De Casibus reservatis & causis dimittendi à *Societate.*

Præter

PRæter casus districtos in instructione, à quibus solus superior absolvet, aut ordinarius confessorius, ex eis licentia hos casus, videlicet Sodomiam, fornicationem, adulterium, stuprum, tactus impudicos maris aut fœminæ, & si quis quacunq[ue] ratione molliatur contra societatem qualicunq[ue] Zelo sciant esse causas dimissionis à societate, nec prius absolventur, quam prius extra confessionem promiserint, se id manifestaturos per se, ut confessorium superiori: qui si advertet peccatum cum complice, aut in grave damnum societatis, non absolvet, nisi pœnitens promittat, aut se ipsum scripturum hac de re Generali, aut dederit facultatem scribendi confessorio, aut superiori de tali causa: aliàs nullo modo absolvet pœnitentem. Generalis verò casu pœnitentis cognito, re collatà cum Secretario, de casu pœnitentis id concludet, quod pro societate pœnam assignabit; quam si acceptare noluerit, nunquā validè poterit absolvi. Id faciendum conclusimus cum Theologis nostris in casibus reservatis & approbatione sedis Apostolicæ: frustra quibusdam repugnantibus. Taceat tamen confessorius ob id dimittendum à societate pœnitentem. Si dixerit de se pœnitens extra confessionem, dimittatur: Si dicere noluerit, servetur cum ipso illa ordinatio, scripta contra victos. Interim tamdiu non absolvatur quamdiu noluerit dicere extra confessionem. Si aliqui ex nostris confessorii audierint aliquam externam personā, cujuscunq[ue] sexus, cum homine societatis rem turpem habuisse, non eam prius absolvent, quam dicat extra confessionem, & si dixerit, dimittatur noster externa persona absolvatur. Si duo è nostris Sodomiam committent, qui non manifestabit, dimittatur, qui prior manifestabit, retineatur in societate; Sed ita mortificetur ut velit nolit. post, parva interjecta mora, alium sequantur. Poterit etiam societas, cum sit corpus quoddam, his de causis se exonerare personis, si successu temporis earum deprehenderit esse crassas in moribus & loquela: imo quascunq[ue] viderint superiores causas, Generali monito, quemlibet à societate dimittent. Ut citius dimittantur, vexentur, fiant omnia contra inclinationes eorum, negentur quæ petunt, & si res parvæ sunt, arceantur à studiis majoribus, dentur sub tales superiores, de quibus non sint contenti. Nec tales teneantur in societate, qui vexati insurgunt, in superiores, de eoq[ue] coram fratribus conqueruntur, aut displicere sibi dicunt, quæ sunt in socie-

societate, quoad viduas & directionem Rerumpubl. laudantque Venetos, à quibus pulsa societas. Immediatè ante dimissionem acriter exagitetur dimittendus, amoveatur à certo officio, & nunc ad hoc, nunc ad illud officium obeundum mittatur, interim reprehendatur, quòd non beneficiat officium sibi commissum, pro levi excessu duriores assignentur pœnitentiæ; Ex cathedrâ tempore mensæ de festis recitentur, ita ut confundatur, & per idem tempus, dum notabilem impatientiam ostenderit, aliis audientibus & videntibus, tamquam is, qui est scandalo aliis, dimittatur. Prius tamen res ejus revideantur, & aliquo jubeatur ire ad vineam, vel vicinum collegium, interim quo in loco minimè sperat, in eo dimittatur.

XV. Quis conservari & foveri debet ex personis Societatis?

PRimum locum tenent strenui operarii, qui non modò spirituale societatis bonum, sed & temporale promovent, ut sunt opulentarum viduarum confessarii, qui dum ad decrepitam ætatem accedunt, amoveantur à viduis, alii ipsis cum recentibus viribus & ætate, sufficiantur. His concedantur quæcunq; petunt, in cibo, vestitu, aliisque rebus, nec vexentur à ministris pœnitentiarum, in cibo, vestitu, aliisque rebus, nec vexantur à ministris pœnitentiarum: Contra tales non sint creduli superiores. Habeatur & eorum ratio, qui minimos defectus, in aliis notatos, superiori deferunt, aut positi in officio ministri Pedelli alios mortificare sciunt, non ex affectu, sed amore disciplinæ religiosæ. Foveantur juvenes illi, qui sunt affines nostrorum benefactorum & fundatorum. Quare mittendi ad studia Romam, si studeant in propria provincia concedantur illis ea, quibus foveri possent. Fiat gratia illis etiam juvenibus, qui nondum resignationem bonorum fecerunt, pro societate: post factum pane, non lacte pascendi. Nec ij postremum locum habeant, qui multos selectos juvenes ad societatem inducunt, tanquam benè affecti instituto societatis.

XVI. Quid præterea tum declinandum tum observandum.

NE nimium nobis affectum adscribant divitiarum, juvabit mediocres nō admittere Eleëmofynas, pro ordinariis officiis, quæ sunt à nostris, negetur sepultura viles in templis nostris.

Cum


Cum viduis acrius agant, quæ se exhauferunt dando nostris. Idem faciendum cum personis nostris, qui pro societate fecerunt resignationem: imò quodocunque tales dimittantur, aut nihil eis reddendo, aut saltem bene detrahendo, obsumptus à societate eorum causa præstitos.

Hæc privata monita diligenter seruent benes se superiores, & paucis, eisque gravibus ex patribus communicent, ex iisque instruant alios, quando seruiunt cum fructu societati, neque ut scripta ab altero, sed ut ex peculiari prudentiâ deprompta aliis communicent. Quod si (absit) in manus externorum hæc monita veniant, quoniam sinistre ea interpretabuntur, negentur hoc seruasse societatis, per istos confirmando è nostris, de quibus certò scitur, eos talia ignorare.

Opponantur his privatis monitis generalia monita, & ordinationes impressæ aut scriptæ, his privatis contrariæ: demum inquiratur, an non ab aliquo è nostris prodita sint. (neque superior ullus erit tam negligens in asservandis tantis secretis societatis:) & si in aliquem vel leues erunt conjecturæ, illi imputetur, & ex societate dimittatur.



Biblioteka Jagiellońska



stdr0022155

